

•sanjvwnz•

Dingq Go

听歌

□ Vangz Civeij / 黄志伟

《Miz Mwngez Miz Gyaez》souj go neix youq ndaw soujgih gou baedauq boqciengq, gou ninz youq gwnzmbonq gekliz, raemxda gag doek lumj fwn.

Bineix 6 nyied, dahlgw dayoz bizyez lo, de siengj daengz Bwzhaij aen gunghsw hndeu guhhong, 7 nyied 10 hauh aeu bae daengz gunghsw yawjyawj.

Dahlgw iugouz buenx de bae Bwzhaij, lwg bae gyae bohme sim mbouj onj, gou baenzlawz hix aeu caeuq de bae. Ngoenzhaenx, song bohlwg dou daj Sihlinz Yen naengh banci daengz Bwzswz Si, caiq daj Bwzswz naengh ci daengz Bwzhaij.

Youq gwnzloh, gou baez naemj daengz dahlgw bizyez couh ra ndae hong, roxnyinh angqyangz raixcaix, bonjlaiz gij va nywj gwnzbya mbouj miz maz geizheih, hoeng seizneix youq ndaw lwgda gou hix bienq ndae hoenghwd hwnjdaeu lo, gou daj congchueng ndawci yawj gij gingjsaek baihrog, mbouj rox naetnaiq saekdi.

Lajbyonghngoenz seiq diemj lai cung, dou daengz Bwzhaij Si lo.

Aen dieg Bwzhaij neix, gaeng dwg giz dieg gou nanzlumz. Bi 2007, gou daiq lwg daiq yah bae Bwzhaij Si rogsingz ndaem byaek, seizde dahlgw ngamq ndae roek bi, hix gaen caekhaex bouxlaux bae dap bungz, vat reih, guh ndae ndang uq naj ndaem.

Saedceij gvaq ndae gig bingz-ciengz, moix ngoenz couh caeuq byaekheu raennaj, caeuq rumzhaij gangjgoj, bouxlawz cungj liuh mbouj daengz miz maz saeh fatseng.

Gvaq mbouj ndae geij ndwen, raq daizfungh cibngeih gaep gig vaiq cung gvaqdaeu, hwnz ndeu bongj laemx le gij diengzbyaek gou, gak cungj sezbei cungj deng rumz hung gienj bae liux, gou umj dahlgw youq ndawrunjg daej lo.

Gou ngamq ndaem byaek, lij caengz ndae saek faen ngaenz, mbwn couh mbouj nyienh lo. Yienghneix, gou sam bohme lwg couh gienj

buhvaq, dauqma ranzmbanj, daj neix caiq hix mbouj dwen daengz giz dieg siengsim neix.

Ngoenzneix youh caiq daeu daengz Bwzhaij, aen sim gou siengj daengz haujai saeh, gou caenhda bae ra giz diegyouq seizde doengh ndaem byaek, hoeng dangqna bienq ndae gvangqyubub, baenzlawz ra hix ra mbouj raen lo.

Dangngoenz, cejngeih daeu ciep dou, youq mwh byaij gvaq diuzroen sohsad, cejngeih naeuz: “Gizneix couhwdg giz dieg sou gaxgonq ndaem byaek, seizneix gaeng dwg laeuz sang rimradrad lo.” Gou song da cimyawj, roxnyinh gizneix fazcanj daih vaiq lo, gamjdoengh raixcaix.

Dahlgw mienhsawq sat le, 7 nyied 12 hauh banhaet cib’ it diemj, dou naengh hwnj ci dauqbae Sihlinz lo.

Banhaemh, cejngeih daj denva hawj dou naeuz: “Bwzhaij lajbyonghngoenz seiq diemj lai miz boux ndeu gij hwszongh dwg yangzsing, seizneix gaeng dawz bae gekliz, siujgih cienzbouh gyonjcomz guh hwszongh genjcwz……” Dou doeksaet yat, ngoenz daihngeih couh caeuq dahlgw daengz veiswnghyen guh hwszongh genjcwz caeuq bau hawj baihgwnz.

Boux lingjdauj ndawcin fucwz fuengzraq cibfaen yawjnaek, sikhaek daengz ranz heuh dou youq ranz gekliz, husw cienmonz haeu ranz daeu guh hwszongh genjcwz.

Dou youq ndawranz gekliz seiq ngoenz, aenvih binghra q Bwzhaij yied daeu yied youqgaenj, yienh fuengzre binghra cungsim youh heuh gou daengz ndawyienh doxcomz gekliz. 7 nyied 18 hauh lajbyonghngoenz, ndawyienh couh baij ci daeu ciep dou, guh bae daihngeih gekliz.

Ciuhvunz baez daih’ it bungz daengz gij saeh neix, hawj gou gig mbeilek, gou gaen canghyw daeu daengz ranzgekliz, ndawde hoengq-fwkfwk.

Aenvih okdou gipmuengz, gij doxgaiq ngoenznaengz sawjyungu gou

mbouj ndae bwh ndei, couh lienz gij ceij uet bak uet fwngz hix lumz bae lo. Mbouj miz banhfap, gou cijndaej dwk denva hawj Loz Hauhi boux baengzyoux youq Gungh’ anhgiz hwnjban bang gou cawx. De ciep ndae denva gig doeksaet, cam gou dwg maz saeh. Gou menhmenh caeuq de gangjmingz.

Ngoenz daihngeih, Loz Hauhi couh cawx daeh makbingzgoj ndeu, daeh makit caeuq haujai mienhgvaicanh gvaqdaeu, hawj boux vnzhong soengq daeu hawj gou.

Doxgaiq soengq daengz lo, gou baez yawj, baenzlawz cawx baenzlai? Gou caiq dwk denva hawj Loz Hauhi, de riuwhw naeuz: “Beixnuengx, mbouj miz maz ne.” Gou fwngz riu gij doxgaiq neix, vah youq ndawbak gangj mbouj ok, ndawsim roxnyinh raejrubub.

Dwen daengz Loz Hauhi, geij bi neix daeu, gij siujsoz de raiz, cungj youq 《Cozgyah Bouxcoz》《Gvangjsih Vwnzyoz》《Nanzfangh Vwnzyoz》daengj ganhvuz fatbiuj, dwg Sihlinz Yen boux canghraiz loq soem ndeu. Aenvih diuz sienq vwnzyoz daeu yinx, gou caeuq de baedauq goj ndae gaenjaed, mbouj miz maz mbouj gangj. Lauheiq ndae de doxbang doxfuz, gou hix engq gyaez raiz faenzcieng, ndaejhoengq couh raiz.

Haetromh, gou hwnq le couh sou ndae veihsin Loz Hauhi, baez yawj, de sij souj go, coh heuhguh《Miz Ranz Mbouj Ndae Ma》, gou diemj sawqdingq, soujgih couh boq hwnjdaeu——

Baezneix youh mbouj ndae buenx daxboh daxmeh gwn haemhndaep lo.

Byawz rox ndawsim gyoengqde dwg maz feihdauh?

Banhaemh soengq daengngoenz doek, haemh laep ciep ronghndwen okdaeu.

Raeuz youq gwnzloh gouqmingh mbouj ndaej doiqlaeng.

Bineix youh mbouj ndae buenx vnz ndawranz gwn caeuz lo.

Gou rox ndawsim gyoengqde dwg maz feihdauh.

Seizdoeng daeu youh doek nae, seiqgeiq youh lwnz dauq.

Raeuz youq gwnzloh siumied binghra mbouj ienqhoij.

……

Baez dingq sat, gij raemxda gou gaeng venj rim faj naj song mbiengj.

Neix dwg souj go soengq hawj gyoengq guh gij hong ding binghra daengx guek. Dwg ha, dou dwg boux gekliz, gyoengq canghyw cungj mbouj vut dou, mbouj yiemz dou, gij gwn dou cwngfuj mbouj sou cienz, dou youh miz maz mbouj nyienh gekliz, mbouj boiqhab ne?

Ngamq ngeix daengz neix, daeglw daj denva daeu lo, de naeuz: “Daxboh, seizlawz cij dauqma ne? Singhgiz roek gou caj mwngz guh byaek, gij byaek mwngz guh couhwdg rang lai.” Gou naeuz: “Lwg ha, daxboh mbouj rox seizlawz ndae dauq, aeu dingq gij vah baihgwnz ha.” Vah baez okbak, raemxda couh yaek doek lo.

Roxnaeuz Loz Hauhi lau gou youq ndaw ranzgekliz mbwq lo, de aeu go daeu nai gou, moix ngoenz cungj fat geij souj go daeu hawj gou dingq, gou moix ngoenz cawz le sij faenzcieng, baeg le couh dingq gij go de fat daeu.

Ngoenzneix banhaet, gou hai cueng, mbouj rox doiqnaj ranz bouxlawz cuengq souj go 《Caj Binghra Gvaqbae Gou Siengj Okbae Byaijbyaij》:

Caj binghra gvaqbae, gou siengj okbae byaijbyaij.

Yawj bya yawj raemx yawj va, yawj vnzcaen baengzyoux.

Ingj mbawsiengq vnz daengx ranz, gwn geij cenj laeu doxcomz.

Duet aen goujcau roengzdaeu, gij najriu de dwg mbouj dwg ciuqgaeu.

……

Gou fwngz gaem gvaengh cueng, hawj sing go gveuj rim ndaw ndang gou.